

OFFICE OF THE DEPUTY COMMISSIONER
KHAWZAWL DISTRICT, KHAWZAWL

No.B.13024/1/2020-DC(KZL)

Khawzawl, the 2nd November, 2020

ORDER

Khawzawl Vengthar Village Council ram chhunga leitlahniam lai (sinking area) chu tun hnai ah ruah tui a tlak nasat avangin a che nasa hle tih hriat a ni a.

He leitlahniam leh helai hmuna chenna in te chu Chairman, District Disaster Management Authority leh member dang te'n khawtlang hruaitute nen October ni 4, 2020 khan a hmunah kal in an enfiah a, YMA Hall leh Khawzawl Vengthar playground inkar kawngah hian mimal chenna inbul hnai te ah lei khi chat a awm tih hmuh a ni bawk a.

Leitlahniam hmuna chenna in panga te chu lei a chet nasat avangin inneitute'n luah ngamlovin an chhuahsan hial a, Village Council, Khawzawl Vengthar hnen atangin leitlahniam awmna laia cheng chhungkaw panga te'n an chenna in thiah an duh thu zia kin Deputy Commissioner, Khawzawl District hnenah lehkha No.KZLVT/VC/2020-1/9 dt. 12.10.2020 an thehlut a.

He leitlahniam laia chhungkaw panga te chenna in chu tun dinhmun ah luah ngam loh a ni a, lei a che leh palh anih chuan mihring nunna hlu tak chan mai theih leh chhiatrupna nasa zawk thleng thei niin a lang a, chuvangin Disaster Management Act, 2005 section 34(k) tlawhchhan in thla ruk chhunga thiah turin Order No.B.13024/1/2020-DC(KZL) dt. 26.10.2020 chhuah ani tawh bawk a.

Khawzawl Vengthar leitlahniam (sinking area) huam chhung hi Chairman, Village Level Disaster Management Committee, Khawzawl Vengthar hnen atangin zia kin dt 29.10.2020 khan dawn ani a, a hnuaia tarlan hi leitlahniam in a huam chin chu a ni:

1.	A lu lamah	Pi Hmingthanzami dawr atanga Pu Rotluanga inthiah huamin
2.	A sir lamah (Aizawl lam side ah)	Pi Hmingthanzami dawr atanga Pu C.L. Chawnga (L) in huamin
3.	A mawng lamah	Pu C.L. Chawnga (L) in atanga Pi Ngurchhawni in thleng
4.	A sir lamah (Champhai lam side ah)	Pi Ngurchhawni in atanga Pu Rotluanga inthiah thleng

District Disaster Management Authority meeting dt. 20.10.2020 chuan Khawzawl Vengthar a leitlahniam huam chhungah hian mipui vantlang him tlan zawk nan in sak thar te, in dinglai sak belh (horizontal and vertical extension) leh lei laih te khapna Order hi Disaster Management Act, 2005 section 34(m) tlawhchhanin chhuah nise tiin a rel zui ta a.

Chuvangin, kei, Zothanmawia, Deputy Commissioner, Khawzawl District leh Chairman, District Disaster Management Authority, Khawzawl District chuan Disaster Management Act, 2005 section 34(m) leh section 26(1) in thuneihna min pek angin mipui vantlang him nan leh chhiatrupna nasa zawk a thlen loh nan Khawzawl Vengthar leitlahniam in a huam chin he Order a tarlan ah hian thuleh awm hma chuan insak thar (new construction), in dinglai sak belh (horizontal and vertical extension) leh leih laih te khapna thupek ka chhuah a, in dinglai thawmthat (strengthening) erawh he thupek hian a huam lo ang.

He thupek zawm lo chu Disaster Management Act, 2005 section 51 atanga 60 leh section 188 of Indian Penal Code hmanga hrem theih an ni ang.

Sd/- ZOTHANMAWIA

Chairman

District Disaster Management Authority
&

Deputy Commissioner

Khawzawl District, Khawzawl

Khawzawl, the 2nd November, 2020

Memo No.B.13024/1/2020-DC(KZL)

Copy to:

1. PS to Deputy Chief Minister, Mizoram
2. Secretary, Disaster Management & Rehabilitation Department
3. Director, Disaster Management & Rehabilitation
4. All Members, DDMA
5. VCP, Khawzawl Vengthar
6. Website Manager for uploading in the website


(ZOTHANMAWIA) 2.11.20

Chairman

District Disaster Management Authority
&

Deputy Commissioner

Khawzawl District, Khawzawl